

16/21

B O S N A I H E R C E G O V I N A
F E D E R A C I J A B i H
G R A D Z E N I C A

Služba za boračko-invalidsku i socijalnu zaštitu, stambene poslove i društvene djelatnosti

Broj: 07-11-9445/2020
Zenica: 05.01.2021. godine

STRUČNA SLUŽBA GRADSKOG VIJEĆA

PREDMET: Stav Službe

**Izveštaj o radu JP za upravljanje i održavanje sportskih objekata d.o.o. Zenica
- dostavlja se**

Javno preduzeće za upravljanje i održavanje sportskih objekata d.o.o. osnovano je 30. maja 2001. godine.

Odlukom Općinskog vijeća su navedeni objekti kojim će Preduzeće upravljati:

- Kompleks Kamberovića polje:
 - nogometni travnati i tenis tereni sa zemljanom podlogom,
 - otvoreni betonski tereni,
 - teren sa umjetnom travom
- Otvoreni bazeni u Crkvicama
- Kuglana
- RSC Smetovi
- Stadion «Papirna»
- Dom strijelaca
- Naknadno su izgrađena dva najprestižnija sportska objekta „Atletski stadion“ i današnja Arena „Husejin Smajlović“ te malonogometno igralište s umjetnom travom, tereni za skateboarding i „B“ nogometni stadion, takođe sa umjetnom travom.

Tokom 2019. godine, sportske objekte koristili su svi lokalni klubovi, kao i reprezentativne selekcije u različitim sportovima. Među njima su i trojica zeničkih olimpijaca koji su najveći dio trenažnog procesa obavili na Kamberovića polju, a to su atletičari Amel Tuka, Hamza Alić, Mesud Pezer.

Kompleks Kamberovića polje:

a) Nogometni tereni «A» i «B»

Ove terene u protekloj godini koristile su sljedeće sportske organizacije, odnosno klubovi:

NK "Čelik" (sve selekcije - od pjetlića do seniora), ŽNK "Čelik Zenica" (sve selekcije), NK " OFK ZSK 2013 " (sve selekcije) , NK „Fortuna“ (sve selekcije), Ragbi klub "Čelik" (sve selekcije), Ragbi klub "Rudar" (sve selekcije) i Ragbi reprezentacija BiH (sve selekcije).

b) Atletska staza i Zapadna tribina:

Atletski stadion (ispunjava sve evropske standarde, posjeduje sertifikat IAAF-a).

U 2019. godini na atletskom stadionu Preduzeće je bilo domaćin sljedećih manifestacija

- Međunarodni atletski miting najvišeg ranga,
- Državna atletska takmičenja i prvenstva iz kalendara Atletskog saveza BiH.

c) Tenis tereni

U toku 2018. godine tenis terene koristilo je 5 klubova, a to su: TK «Čelik», TK «Mladost», TK «Euronec», TK „Winner“ i TK „As“. Klubovi su bili organizatori jednog ETA međunarodnog turnira i više tenis-turnira iz kalendara Teniskog saveza Bosne i Hercegovine, na kojima je učestvovalo gotovo hiljadu takmičara.

d) Otvoreni tereni

Ovi tereni se nalaze na otvorenom prostoru i koriste se bez ikakve naknade (društvena svojina). Koriste se za igranje malog nogometa, košarke i odbojke. U 2019. godini RMK – poslovni sistem kao organizator „ZEPS-a“ nije održao veliki sajam, dok je maloprodaja bila smještena na otvorenim terenima u blizini visećeg mosta.

e) Svlačionice

Svlačionice koje se nalaze u sklopu stare upravne zgrade Preduzeća redovno se koriste i maksimalno su iskorištene.

f) SRC Kamberovića polje

Pored ovih objekata, na Kamberovića polju u stalnoj su funkciji i dvije šah table na otvorenom prostoru koje koriste uglavnom penzioneri

g) Arena „Husejin Smajlović“

Pored redovnih domaćih i međunarodnih utakmica zeničkih klubova, Preduzeće je bilo domaćin UEFA kvalifikacija za Evropsko prvenstvo u futsalu i malonogometnoj reprezentaciji BIH.

Arena u toku 2019. godine bilježi **rekordnu posjećenost** od gotovo 200.000 posjetilaca, uz prosječnu mjesečnu posjetu od 16.000 posjetilaca.

Kompleks gradskih bazena u Crkvicama:

U 2019. godini su urađeni zahtjevni fizički/građevinski radovi na sanaciji i tehničkom održavanju kompleksa Gradskih bazena. Sklopljen je ugovor sa Institutom za zdravlje i sigurnost hrane za vršenje redovne kontrole kvaliteta i čistoće vode. Zbog nekoliko kišnih dana Preduzeće je bilo suočeno s problemima u dotoku i odvodu vode, te su bazeni tokom sezone bili zatvoreni oko 30 dana.

Kuglana:

U 2019. godini, je potpisan ugovor sa firmom Kurtagić consulting d.o.o. Zenica kojim su regulisana sva prava i obaveze kuglane.

RSC Smetovi

U 2019. godini ugostiteljski objekat je bio u funkciji gdje je osposobljena i još jedna dodatna prostorija za boravak gostiju, te je dostupan svim posjetiocima, a objekat je izdat putem javnog poziva firmi PPUP "Salčinović" d.o.o. Zenica koji su preuzeli obavezu sigurnosti i redovnog održavanja objekta.

Dom strijelaca (Streljana)

Trenutno Dom koristi Streljački klub Zenica i druga slična udruženja. Objekat je vrlo specifičan i zahtjevan za održavanje.

Stadion Papirna

Glavni dio objekta (stadion) trenutno je van funkcije zbog nepostojanja dovoljnih sredstava da Javno preduzeće krene u projekat sveobuhvatne rekonstrukcije, dok je dio objekta tzv.

„Partizan“ uspješno obnovljen u saradnji sa Sportskim društvom „Winner“ koje okuplja pedagoge tjelesnog odgoja i vaspitanja. Objekat se koristi za gimnastiku i u njegovu obnovu uloženo je cca 35.000 KM.

Održavanje javne rasvjete u Gradu Zenica

Preduzeće posjeduje kompletnu opremu koja je neophodna za obavljanje ove vrste poslova, kao i dva vozila (kamion sa dizalicom i kamion putar).

Ostvareni ukupan prihod u obračunskom periodu 2019. godini, iznosi: 1.709.547 KM, što je u odnosu na isti period prethodne godine, **povećanje** za 56.070 KM ili 3,4 %. U obračunskom periodu 2019. godine, poslovni prihodi iznose 1.399.744 KM, što je 81,9% ukupnog prihoda. U odnosu na isti period prethodne godine, ovi prihodi imaju povećanje za 191.126 KM ili 15,8 %.


Ostvareni ukupni rashodi u obračunskom periodu 2019. godini, iznose: 1.701.296 KM, što je u odnosu na isti period prethodne godine, **povećanje** za 52.301 KM ili 3,2 %.

Tabela prihoda i rashoda 2019:

Prihodi:	Rashodi:	Ostvarena dobit:
1.709.547,00	1.701.297,00	8.250,00

Preduzeće ima ukupno 30 zaposlenika.

Struktura uposlenika



Planovi Preduzeća za 2020. godinu uključuju:

- bolju iskorištenost postojećih kapaciteta u Areni „Husejin Smajlović“ i povećanje prihoda ostvarenih komercijalnim iznajmljivanjem termina
- unapređenje trenutnog stanja u Domu strijelaca i mogućnosti poboljšanja postojećeg stanja
- realiziranje dugoročnog ugovora o zakupu kuglane, uz odgovarajuće kontrolne mehanizme
- unapređenje stanja na Smetovima i mogućnosti poboljšanja postojećeg stanja

Nadzorni odbor je utvrdio da je rad direktora Preduzeća bio zasnovan na utvrđenoj poslovnoj politici, pa je na osnovu Izvještaja o radu i poslovanju Preduzeća za 2019. godinu, Izvještaja o radu direktora u 2019. godini i vlastitog izvještaja, dao pozitivnu ocjenu o radu za direktora ovog preduzeća.

Smatramo da dostavljeni materijali pružaju dovoljno dobru osnovu da bi Gradsko vijeće moglo donijeti adekvatnu odluku i očitovati se o radu ovog Javnog preduzeća.

PRILOZI:

1. Izvještaj o radu JP za Upravljanje i održavanje sportskih objekata Zenica za 2019.godinu
2. Izvještaj revizorske kuće o finansijskom poslovanju Preduzeća od 01.01.2019. do 31.12.2019. godine
4. Izvještaj NO sa zaključcima o radu u 2019. godini

DOSTAVLJENO:

1 x Naslov

1 x a/a

Šef Odsjeka za društvene djelatnosti
Zijad Imamović

